

UDARREGI IKASTOLA

KASTOLA EREDUAREN HEZKUNTZA MARKOA

Ikastolon Curriculuma, Euskal Curriculumaren garapena da, eta beraz osatzeko **agindua jaso genuen** bere garaian:

“Konpetentzietan Oinarritutako Hezkuntzaren ikuspegitik Euskal Curriculumaren garapena gauzatzea, etapa eta arlo guztientzat marko komunean oinarrituz”.

(Ikastolak orain eta gero. Ikastolen VI Batzarra, 2009)

Beraz, **KONPETENTZIETAN OINARRITUTAKO HEZKUNTZA** da **IKASTOLA EREDUARI, 0-20 urte bitarte eta etapaz etapa lotura eta koherentzia** emango diona.

Printzipio nagusi honek aspektu guztiak barneratzen ditu:

- **Esku-hartzerako proposamen didaktikoa**
- **Ikasmaterial eskaintza**
- **Prestakuntza**
- **Aholkularitza**

Euskal Curriculumaren garapenerako **gure curriculum diseinuak** dituen **EZAUGARRI BEREIZGARRIAK** hurrengo elementuekin osotzen dira:

- **Euskal curriculumean** oinarrituta
- Ikaslearen **irteera profilean** oinarrituta
- **Integrazioaren pedagogia** oinarrituta
- **Oinarritzko konpetentzia orokorrak arlo guztietan** txertatuta
- Euskararen ardazturiko planteamenduan, **hizkuntzen trataera integral eta integratua** garatzen du
- **Konpetentzia digitala arlo guztietan** txertatuta
- **Ikas kideztan oinarritutako esku-hartzea** bultzatzen du

Udarregi Ikastolak, Euskal Herriko gainerako ikastolekin partekatzen duen Hezkuntza Ereduarekiko eta Marko Pedagogikoarekiko koherentzian lan egiten du. Horren adierazgarri, jarraian azaltzen dugun **PROIEKTU PEDAGOGIKOEN TAULA**

UDARREGI IKASTOLAKO PROIEKTUAK

	HE	HH	LH	DBH
0-6 Marko Pedagogikoa				
Konfiantzaren Pedagogia			LH 1 17-18 LH 2	
Blok Tac			LH 1-2	
Txanela				
EKI				LH 6
KiVa			Urtarrietik aurrera	
Agenda 21				
IK/KI				
Eleanitz			HH 4-5	
Elkarbizitza eta Hezkidetza				
Hizpro				

UDARREGI IKASTOLAKO PROIEKTUAK

- ✚ **0-6 Marko Pedagogikoa:** Ikastolen Elkartek azken urtetako lanketaren ondorioz eta gaur egungo errealitatea aztertuz sortu duen Marko Pedagogiko berria da hau. Konfiantzaren Pedagogiarekin bat egiten du eta aurrez egindako lanketekin bat dator. Dokumentu honek euskarri berri bat eskaintzen digu eta lanketarako bidea zabaldu. Konpetentzietan oinarrituta dago.
- ✚ **Konfiantzaren Pedagogia:** Haurren ikuspegi berri baten oinarritutako pedagogia da hau. Konfiantzan oinarrituta eta haurrak garapenerako duen joera naturala eta norberaren erritmoak errespetatzen dituena. Haur Hezkuntzatik Lehen Hezkuntzara doazen ikasleak hobeto egokitu daitezten, 16-17 ikasturtean LHko 1.mailan Pedagogia honi egokitzeko moldaketak burutu ditugu eta 17-18 ikasturtean, LHko 2.mailan ere txertatzeko asmoa dugu, ziklo bezala erantzuteko behar honi.
- ✚ **BLOK TAC:** Konpetentzien lanketan oinarritutako proiektua da honakoa. Txanelarekin bateragarria da eta aurrez pilatutako ezagutzak mobilizatuz, egitasmo bat aurrera eramatea du helburu, testuinguru ezberdin batean. Iaz lehenengo mailan “Eskularen Azoka” antolatu zuten. Aurten, proiektu hau LHko 2.mailara zabalduko da. 17-18 ikasturtean, LHko 3.mailara zabaltzeko asmoa dugu.
- ✚ **TXANELA:** Aski ezaguna dugun proiektua. Globalizatua eta umea bere osotasunean hartzen duena. Pixkanaka indarra galtzen joango da beste proiektu batzuen mesedetan baina gaur egun, oraindik ere, oso interesgarria eta baliagarria da.
- ✚ **EKI:** Euskal curriculumean; Konpetentzietan eta Integrazioaren pedagogian oinarritutako proiektua. Irakaskuntzaren mundua hartzen ari den norabide berriari eusten dio. 0-6 Marko Pedagogikoa eta Blok Tac-en gisara, konpetentzien garaperanari zuzenki lotutako egitasmoa dugu. 16-17 ikasturtean lehendabiziko aldiz DBH osoan aplikatuko da eta LHko 6.mailan lehenengo hiruhilekoan ezarpen esperimentalak burutu da. 17-18 ikasturtean, LHn 6.mailako ikasturte osoan aplikatzea aurreikusten da.
- ✚ **KiVa:** Eskola jazarpenari aurre egin eta prebenitzeko proiektu finlandiarra. Eraitza ikusgarriak izan dituzte bertan eta Ikastolen Elkartek akordio eksklusiboa lortu du programa honen garapenerako. 16-17 ikasturteko urtarrilean hasiko gara aplikatzen eta LHko etapari eragingo dio zuzenean. DBHko programa pilotua Suedian probatzen ari dira.
- ✚ **Agenda 21:** Ingurumenarekin lotura zuzena duten gaien lanketa bideratzen du proiektu honek. Udalaren Tokiko agenda 21 egitasmoari lotuta dago, eta udalarekin harremanetan bideratzen da. 16-17 ikasturtean LHn egingo da lanketa eta gaia mugikortasuna izango da.
- ✚ **IK/KI:** Ikaskuntza Kooperatiboa / Kooperatzen ikasi, azken urteetan Udarregin indar handia hartu duen egitasmoa da. Lankidetzak eta talde lana sustatzeko proiektua da.
- ✚ **Eleanitz:** HH 4tik DBH4ra eragina duen proiektua. Bertan, euskara, gaztelera, inglesa eta frantsesa txertatuta daude. Hezkuntza eleanitzaren aldeko apustuari erantzuten dion proiektua.
- ✚ **Elkarbizitza eta Hezkidetzak:** Ikastolako komunitatean baitan sortzen diren gatazken kudeaketa bideratzen da bertatik. Azken urteetan, udalarekin lanketan, hezkidetzaren inguruko gaiak ere jorratu dira bertan.
- ✚ **Hizpro:** Euskararen sustapena eta erabilera bultzatzera bideratutako proiektua da. Euskararen eguna, hizkuntz errealitateko neurketak, gurasoen ikastaroak...bideratzen dira.